

Instrución 1/2025 da Secretaría Xeral da Universidade de Vigo sobre a duración do mandato dos titulares de órganos unipersoais electos en aplicación da Lei Orgánica 2/2023, de 22 de marzo, do Sistema Universitario (BOE, 23 de marzo de 2023)

A entrada en vigor da Lei Orgánica 2/2023, de 22 de marzo, do Sistema Universitario (en adiante LOSU) dende o 12 de abril de 2023, modificou algúns aspectos relacionados coa duración do mandato dos titulares de órganos unipersoais. En concreto, o seu artigo 44.3 establece que:

3. El mandato de los titulares de órganos unipersonales electos será, en todos los casos, de seis años improrrogables y no renovables.

Por outra banda, a disposición adicional transitoria primeira da LOSU prevé no seu apartado 2 que:

2. Los cargos unipersonales electos que, a la entrada en vigor de esta ley orgánica, estuvieran en su primer mandato de cuatro años, podrán finalizar el mismo y concurrir a la reelección por un periodo de seis años improrrogable y no renovable. En el caso de aquéllos que estuvieran en su segundo mandato de cuatro años podrán finalizar el mismo y, conforme a la limitación de mandatos que ya les era de aplicación, no podrán optar a una nueva reelección.

Esta previsión sobre a duración do mandato é de obrigado cumprimento e de aplicación directa dende a entrada en vigor da Lei Orgánica a teor do indicado na citada disposición, sen necesidade de ser incorporada nin aos Estatutos nin aos respectivos regulamentos de réxime interno que regulan a elección destes cargos.

Polo tanto, resulta necesario emitir esta instrución co fin de clarificar e aplicar adecuadamente o previsto na LOSU no que respecta á duración do mandato dos actuais titulares de órganos unipersoais electos.

Primeiro. Os nomeamentos de cargos unipersoais de goberno electos segundo os artigos 41 e 46 dos Estatutos da Universidade de Vigo aprobados por DECRETO 13/2019, do 24 de xaneiro, realizados polo Reitor **dende do 12 de abril de 2023**, terán un único mandato cunha duración de seis anos improrrogables e non renovable en virtude do artigo 44.3 da LOSU.

Segundo. O procedemento de elección e resto de previsións se realizará, ata a súa modificación coa entrada en vigor dos novos Estatutos, regulamentos de réxime interno e demais disposicións de desenvolvemento, de conformidade ao establecido na actualidade.

Terceiro. A presente instrución será publicada no Taboleiro Electrónico Oficial da Universidade de Vigo.

Vigo, na data da sinatura dixital

A Secretaria Xeral